

ritualis: quia talis cum sit secundum spiritum, siue mentem, secundum quam homo non est seruus hominis: sed secundum corpus, non potest dici proprie seruus; Ex quo sequitur correlarie, quod docere, consulere, predicare verbo, aut scripto, sit licitum die Dominica. ita Archid. in c. ieiunia, de consecr. dist. 3. arg. in cap. irreligiosa, ead. dist. adde quod dixit idem Archid. in cap. peruenit, ead. dist. de Audio, uide Butr. & Abbat. in cap. 1. extra, de fer. ubi allegat S. Th. 2. 2. q. 122. artic. 4. ubi dicit, quod nullus actus spiritualis exercitii est contra obseruantias Sabbati, puta, si quis doceat verbo, aut scripto, ubi num. 18. dicit gloss. quod lector diuinæ legis, aut Doctor in die Sabbati ab opere suo non desinit. Secundo quod lectiones scholaribus norare, aut legere licitum est die festo. Tercio, disputare, aut etiam publicas repetitiones facere pro veritatis dilucidatione licitum est. Quarto, in lectionibus libros corrigere die festo sine magno tamen labore licitum videtur. Quinto, scribere aliquid, ut colligendo aliqua utilia ad legendum, uel predicandum licitum videtur. Sexto in operibus misericordie distinctio dierum non est habenda, 76. dist. in c. utinam, de consecr. dist. 5. cap. nunquam.

Decimaquinta. Propter excellentiam 24 festi quod detrahatur abstinentia, & macerationi carnis: hinc si festum Natiuitatis occurrit sexta feria, licitum est carnes comedere, exceptis profeffis, & uouentibus, cap. explicari, extra, de obseru. ieiun. Ex quo textu colligitur, quod in die festo non solum spiritualiter homines gaudere debent, sed etiam cum honestate possunt in cibis alacritatem accipere. Pariter facit etiam ille text. ut cessante iactantia possint tunc homines licite uti vestibus preciosis, in uenerationem festiuitatis. Ita Abb. in d. cap.

25 Decimasexta. Festiuitates quod quas Episcopus cum clero, & populo preceptum obseruari, sunt obseruande. Ita not. in c. conquestus, extra, de fer. Ita etiam est text. in c. 1. de consecr. dist. 3. c. 1. ibi, cum

populo, quem text. ponderat Io. de Anania, in d. cap. conquestus, num. 4. Et hoc intellige de sanctis canonizatis: quia Episcopus etiam cum populo sanctum Canonizare non potest. gloss. in d. cap. 1. de consecr. dist. 3. cap. audiuius, extra, de reliq. & vener. sanctor. c. 1. eod. tit. in 6. Ratio uero quare referretur Canonizatio Sanctorum. Summo Pontifici, est 27 multiplex: tum quia ista est de maioribus causis, quæ inter Christianos proponi posset, & sic est ad sedem Apostolicam referenda, cap. maiores, de baptis. tum quia miracula attribuuntur fidei; Hec igitur quæstio cum sit de fide, præcipue est ad sedem Apostolicam referenda, 24. q. 1. cap. quoties, tum, quia ad Papam spectat declarare dubia scripturarum, cap. per uenerabilem, qui filii sunt legit. multo fortius dubia sanctitatis; quia circa maiora maius dubium vertitur, ideo &c. de elect. lib. 6. cap. ubi periculum. tum, ne propter multorum Episcoporum simplicitatem, populum decipi contingat. c. 1. & 2. de reliq. & vener. sanct. Vltimo, ne in infinitum contingat sanctos multiplicari, & sic deuotionem refrigerare, & sanctitatem uilescere, 80. dist. c. Episcopi.

28 Per canonizationem hæc consequitur sanctus, quod Ecclesia pro eo solemniter, & pro aliquibus solemniter dicit officium, cap. unico, de reliq. & vener. sanct. in 6. Item inter alios sanctos in Litanis nominatur, & inuocatur. Et si Ecclesia in Canonizatione erraret, quod non est credendum, licet accidere posset, de sent. excom. cap. a nobis, 2. nihilominus, preces in honorem talis acceptæ, & gratæ sunt: per fidem enim Christi omnia purgantur, c. per uestra, de cohab. cleric. & mulier. & est, quod ueritas canonizationis deficiat, non deficit fides, de baptis. c. debitum, de presby. non baptizato cap. 2. & 3. glo. in d. c. unico.

Licet solemnes preces publice emittere, uel solemne officium publice dicere quis nequeat, pro aliquo, qui nondum est canonizatus, tamen alicui de sancto, quem sanctum credit, licet cuilibet preces